

GQ 13-3-90

# Onnamaria Venzin-Gamboni, Sedrun

Onnamaria Venzin, ina nata Gamboni, ha fatg sia davosa staziun ella Casa da sogn Vigeli, da l'autra vart dil Drun. Tut sias staziuns ha la defuncta fatg a Sedrun. Sia veta ei secumplenida ils 20 da fevrer 1990, diesch dis suenter ver giu il natalezi da navontin onn. Ed ella ei spartida schi tut alla tgeua, pressapauco sco ella ei vivida – senza dar pli bia en egl ad enzatgi, ton pli suenter ver fatg ina mangla pils ses.

Avon 24 onns ei siu consort, il scolast Tumaisch Venzin, ius vi tier Niessegner – e l'Onnamaria ha giu da surprender igl entir menaschi ella casa gronda dadora il sontget dils Gedius. Ina figlia lonza da nov dels dat dabia ed ils ses han muentau damondas delicatas. Smina enzatgi contas gadas il cor dalla mumma ha dau ord il tact? Ella peren- cunter, ella ha fatg il siu, surdond tut igl auter al Bab d'adina. L'Onnamaria cun sia cardientscha en Diu, ina cardien- tscha bunamein senza paregl.

Cun caschun da ses navonta onns han ils ses mess entgins plaids ella ga- setta, aschidadir ch'ins sa ussa en quella ura da malencurada serestrenscher. Ed igl ei nuot auter che dueivel da seregur- dar da tut tgi che ha fatg dil bien alla de- functa, oravontut dallas soras e tgirun- zas e dil personal entir dalla Casa da sogn Vigeli. Onnamaria Venzin-Gam- boni ei stada da casa egl asil; ins ha mi- rau tier bein.

Ina caussa tucca ei tuttavia da metter vitier. Enzaco ei la mort pli leva, aschia denter nus, en tiara romontscha, buca il davos en Tujetsch. Ed ei entscheiva sin pugn da mort e duront il comiau – epi il tuchiez da bara, il conduct e la assi-



stenza incumparabla el liug dils morts. La glieud vegn schi stedi e seregora cun paternos ed en tastgas zuppadas fa ella dil bien.

Ed igl augsegner dil liug fa dapli che siu duer. Ils plaids da sur Alexi Man- netsch ein stai in grond confiert. Quels plaids da speronza e detgs cun senti- ment, en baselgia e sigl ur on santeri. Damai ch'ils affons, ils gronds ed ils pigns, ein sin daventar pli paupers, ed han basegns d'enzatgei.

Ed jeu less che la memoria dalla On- namaria semanteness ed allas famiglias cumbrigadias il bandun enten il Segner.

Vic Hendry